

# ARREST

## De la Cour des Grands Iours de Poictiers.

FAISANT DEFFENCES A CEVX  
de la Religion pretenduë Reformee, de  
continuer leurs exercice au lieu de Cher-  
ueux, attendu la proximité de l'Eglise  
dudit lieu, ensemble d'enterrer leurs  
morts és cimetieres des catholiques.



A POICTIERS.

Par ABRAHAM MOVNIN, Imprimeur  
Ordinaire de la Cour des Grands Iours.

M. DC. XXXV.

---

*Avec Privilege du Roy.*





—O V Y S par la grace  
de Dieu Roy de Fran-  
ce & de Nauarre, A  
nostre Senefchal de  
poictou, ses Lieute-  
nants General & par-  
ticulier, premier des Conseillers du sie-  
ge presidial de poictiers, Sur ce premiet  
requis; Salut: Comme le iour & dattu  
des presentes: Veu par nostre Cour des  
Grands Iours sceant à poictiers, l'Arrest  
d'icelle du seiziesme septembre mil six  
cens trente - quatre, donné sur la re-  
monstrance de nostre procureur gene-  
ral, par lequel entre autres choses au-  
roit esté ordonné que les lieux ou se fai-  
soit l'exercice de la Religion pretenduë  
Reformee qui se trouueroient bastis dās  
les Cimetieres ou si proche des Eglises,  
que le Diuin seruice en peust estre trou-  
blé, cō.me aussi tous ceux qui auoiēt esté  
establis depuis l'Eedit de Nantes, & con-  
tre la teneur d'iceluy sans permission du  
Roy veriffice en la Cour seroient des-

A ij

molis, avec deffences de faire ledit exercice és maisons & habitations des Ecclesiastiques, & d'enterrer leurs morts és Cimetieres des Catholiques, à peyne d'estre les corps tirez de terre, & de milliures d'amendes aplicable aux Eglises des lieux, Autre Arrest du quatriesme Octobre ensuiuant, par lequel Me. Nicolas Millon Conseiller du Roy, Iuge Conseruateur des priuileges Royaux de l'Vniuersité de poictiers, auroit esté commis pour l'execution dudit Arrest du seiziesme Septembre, procès verbal dudit Millon du dixneufiesme dudit mois d'Octobre & autres iours suiuaus, contenant la descente par luy faite au Bourg de Cherueux, les comparutions, remonstrances, dires & declarations de Me. Anthoine le Cler prestre, Vicaire de l'Eglise parroichiale de Cherueux, Jean Marsaut Greffier & procureur Fabricier, Louys Car Notaire & autres faisant tant pour eux que pour les habitans Catholiques dudit lieu, de Nathanael Mo-

nestier Ministre , François de Vallieres  
Escuier, Louys Duchesne aussi Escuier  
tant pour eux que pour les autres Habi-  
tans de ladite Religion pretendüe Reform-  
mee audit Bourg, dont du tout il auroit  
donné acte , ledit procès misés mains  
de l'un des Conseillers de nostredicte  
Cour, de l'Ordonnance d'icelle, conclu-  
sions de nostre procureur general , au-  
quelle tout auroit esté communiqué ouy  
le raport dudit Conseiller, & tout con-  
sideré, Nostredite Cour a ordonné &  
ordonne que à la diligence de nostredict  
procureur general , les habitans de la  
Religion pretendüe Reformee dudit  
Cherueux seront assignez en nostredite  
Cour , pour rapporter leurs tiltres &  
pieces iustificatiues du droict qu'ils pre-  
tendent de faire l'exercice de ladite Reli-  
gion pretendüe Reformee audit Cher-  
ueux , & cependant attendu la proxi-  
mité de l'Eglise dudit Cherueux , &  
du lieu ou ils font ledit exercice , leur a  
fait & fait inhibitions & deffences de

continuer iceluy audit lieu , ensemble d'enterrer leurs morts és Cimetieres des Catholiques : Ordonné qu'il leur sera pourueu d'un lieu pour cét effect par ledit Millon en presence du Substitut de nostredit procureur general & desdits habitas Catholiques, ou iceux deüemēt appelez: Si vous mandons que à la requeste de nostredit procureur general, de mettre le present Arrest a deüe & entiere execution selon sa forme & teneur, de ce faire vous donnons pouuoir , & au premier nostre Huissier ou Sergent, de faire tous exploicts requis & necessaires pour l'execution des presentes: Dóné à poictiers esdits grands iours, le vingt-neufiesme Nouembre , l'an de grace mil six cens trente quatre, & de nostre regne le vingt-cinquiesme.

par la Chambre.

Signé, RADIGVES.

*Collationné à l'Original par moy Conseiller  
& Secretaire du Roy & de sa Cour de Par-  
lement.*



